

GUÍA PARA EXERCER O VOTO POR CORREO NOS ESTAMENTOS DE PERSOAL TÉCNICO, ARBITRAL E DEPORTISTAS NAS ELECCIÓNS DA FEGAN 2022

COMO SE SOLICITA O VOTO POR CORREO? (ART. 30.2.A)

- ⇒ As persoas interesadas en solicitar o voto por correo poderán facelo de maneira telemática ou presencial.
- ⇒ Recoméndase a todas as persoas interesadas que a presentación da solicitude se realice **por medios electrónicos** a través do procedemento virtual que consta na seguinte ligazón: https://sede.xunta.gal/detalle-procedemento?langId=es_ES&codtram=DE200A&ano=2021&numpub=1&lang=gl,
- ⇒ En todo caso, poderá presentarse presencialmente descargando o seguinte formulario: <https://sede.xunta.gal/doc-invia/rest/anexos/11526599>.
- ⇒ En ambos casos, é **importante cubrir** no formulario:
 - **O domicilio no que se quere recibir a documentación electoral**, xa que do contrario o envío realizarase ao domicilio que figure no censo (art. 30.2.b)
 - **A especialidade** (natación, waterpolo, natación artística ou augas abertas) do estamento (técnicos, árbitros, deportistas) no que se solicite o voto por correo.

QUE MECANISMOS DE IDENTIFICACIÓN E SINATURA ESTÁN ADMITIDOS PARA A PRESENTACIÓN TELEMÁTICA POR MEDIOS ELECTRÓNICOS? (ART.30.1.A)

- **Certificado dixital** emitido por calquera organismo público autorizado.
- **Chave 365**. Se non se dispón deste mecanismo de identificación e sinatura e se desexa tramitar, pode solicitarse na seguinte ligazón: <https://sede.xunta.gal/tramites-e-servizos/chave365>.

QUE REQUISITOS TÉCNICOS DA EQUIPA INFORMÁTICA DEBEN TERSE EN CONTA?

Deberase ter instalada a **última versión** do programa *Autofirma*. As versións anteriores non permitirán concluír o trámite correctamente.

Poderase realizar a descargar da última versión do programa na seguinte ligazón: <https://firmaelectronica.gob.es/Home/Descargas.html>

ONDE SE PODE PRESENTAR A SOLICITUDE DE MANERA PRESENCIAL?

⇒ Nos servizos provinciais que se detallan de seguido:

- **A Coruña:** Praza de Agustín Díaz, 1 (Complejo deportivo Elviña) - 15008 A Coruña
- **Lugo:** Ronda da Muralla, 70 - 27071 Lugo
- **Ourense:** Avda. da Habana, 79 - 32071 Ourense
- **Pontevedra:**
 - **Pontevedra:** Rúa Fernández Ladreda nº 46 6º CP: 36003
 - **Vigo:** Rúa Fotógrafo Luis Ksado nº 17 CP: 36209

⇒ Así mesmo, tamén poderá ser presentado en calquera rexistro habilitado da Xunta de Galicia: <https://www.xunta.gal/oficina-de-atencion-cidadania-e-rexistro/localizacion-das-oficinas>.

CAL É O PRAZO PARA SOLICITAR O VOTO POR CORREO? (ART. 30.2.A)

A solicitude de voto por correo pode facerse **a partir do 27 de xuño e antes do 8 de agosto ás 14:00h.**

UNHA VEZ SOLICITADO O VOTO POR CORREO, CAL É O SEGUINTE TRÁMITE? (ART. 30.2.B)

Recibida a solicitude, verificarase que a persoa solicitante consta no censo electoral definitivo e procederá a enviárselle por correo certificado **ao domicilio indicado na solicitude** toda a documentación electoral.

DE QUE CONSTA A DOCUMENTACIÓN ELECTORAL? (ART. 30.1.B)

No domicilio sinalado na solicitude recibírase a seguinte documentación:

1. “Sobre de remisión do voto por correo” no que xa constará a dirección da Secretaría Xeral para o Deporte ao que irá dirixido.
2. Sobre de votación no que se introducirá a papeleta de votación, no que no anverso se poderá ler “Eleccións á Asemblea Xeral da FEGAN”.
3. Papeletas de votación de todas as candidaturas presentadas.
4. Certificado orixinal de autorización do voto por correo.
5. Instrucións para exercer o voto por correo.

COMO PREPARAR A DOCUMENTACIÓN PARA REMITILA POR CORREO? (ART. 30.2.C)

1. Cubrir o estamento, especialidade, circunscrición e mesa electoral no sobre de votación.
2. Introducir a papeleta que se desexe no sobre de votación.
3. Introducir o sobre de votación, o certificado de autorización de voto e o DNI ou documento equivalente (pasaporte, carné de conducir) no “sobre de remisión do voto por correo”, o que **non deberá ser pechado** até que así se indique por parte do persoal da oficina de Correos.
4. Dirixirse a un Oficina de Correos e identificarse co DNI ou documento equivalente.
5. Unha vez identificada a persoa que vai enviar o voto por correo, o persoal de correos selará o certificado de autorización do voto por correo e o anverso do “sobre de remisión do voto por correo”.
6. Estampados todos os selos de datas poderase pechar o sobre e entregarllo ao persoal de correos para a súa efectiva remisión á Secretaría Xeral para o Deporte.

QUE PRAZO EXISTE PARA REMITIR O VOTO POR CORREO? (ART. 30.2.D)

Debe remitirse a documentación electoral **antes do día 16 de setembro ás 14:00h.**

O ENVÍO DO VOTO POR CORREO É GRATUÍTO? (ANEXO I)

Si, o “sobre de remisión do voto por correo” xa conterá o estampado de “franqueo pagado”. Por este motivo só se poderá remitir a través dunha Oficina de Correos.

QUE PASA SE UNHA PERSOA QUE SOLICITOU O VOTO POR CORREO FINALMENTE NON O ENVÍA OU NON O ENVÍA NO PRAZO PERMITIDO? (ART. 30.1)

Poderá acudir presencialmente a votar o día 24 de setembro de 2022, xa que o voto presencial prevalece sobre o voto por correo.

A QUE CORREO ELECTRÓNICO SE PODE REMITIR CALQUERA DÚBIDA SOBRE O VOTO POR CORREO?

Ao correo habilitado da Xunta Electoral da FEGAN: xunta.electoral@fegan.org.

A XUNTA ELECTORAL DA FEGAN

*Todas as referencias a artigos que se recollen na presente guía refírense ao Regulamento Electoral da FEGAN.